

## NGĀ PĀNUI TŪMATANUI

Ko ngā kaipāho katoa me pāho kōrero hei whakatairanga i te hātepe mō te tuku kōamuamu (pānui tūmatanui). Nā konā ka whakatūturungia kia mōhio ōu kaimātakitaki ka taea e rātou te tuku kōamuamu e pā ana ki tētahi hōtaka mehemea e whakaaro ana rātou kua wāwāhingia ngā paerewa pāpāho. Me pēnei i raro anō i te wāhanga 6(1)(ba) o te [Ture Pāpāho](#).

### Te Roanga

Ko ngā pānui tūmatanui katoa me **15 hēkena** te roa, neke atu rānei

### Ihirangi

Ko tā mātou e tohutohu nei kia whakaurua atu ko ngā pārongo e whai ake nei:

- te whakature mō ngā kōamuamu ūkawa katoa kia mahia:
  - **ā-tuhī nei**
  - i roto i te **20 rangi-mahi** whai muri i te pāhotanga o te hōtaka e amuamutia nei
  - ki **te kaipāho** (koe) – hāunga ko ngā kōamuamu matatapu, hōtaka pōtitanga rānei.  
Ko ēnei momo kōamuamu ka taea te tuku hāngai ki te BSA
- ū **mokamoka whakapānga** kia mōhio ai te tangata me tuku te kōamuamu ki hea (tae rā anō ki tōu wāhi noho poutāpeta, wāhitau īmēra, me pēhea hoki te kite atu i tōu puka kōamuamu ā-tuihono, mehemea kei a koe tētahi)
- tōna **motika kia tukuna te kōamuamu** ki te BSA mehemea kei te matekiri tonu ia ki te hua o te kōamuamu (mehemea rānei he kōamuamu matatapu, hōtaka pōtitanga rānei), hei tauira: '*Mehemea kei te matekiri koe ki te hua, ka taea e koe te tuku i tōu nā kōamuamu ki te BSA.*'
- me haere ki whea mō **te roanga ake o te pārongo** e pā ana ki te hātepe kōamuamu – tōu nā pae tukutuku, ko tō te MWK rānei.

Māhau anō e whiriwhiri, i runga anō i te wairua auaha, ngāwari hoki me pēhea te kawe i ēnei karere. E wātea ana mātou hei āwhina i a koutou ki te whakariterite pānui, nā reira [whakapā mai ki a mātou](#) ina hia āwhina anō koe.

### Hei āwhea pāhongia ai te pānui tūmatanui

Me rawaka te putuputu o te whakapāho pānui tūmatanui kia rangona taua pānui **i te wā kotahi i ia rangi** (ā-toharite nei), ki ia hongere, teihana rānei, mō ia rangi ka pāhongia.

Ko te wā o te rangi ka pāhongia te pānui tūmatanui me **rerekē**, kia pāhongia ai ia pānui i ngā wā momo hōtaka katoa i roto i te tau kotahi. Tae rā anō tēnei ki **ngā wā hōtaka matua me ngā wā hōtaka tamariki** hoki. Me whakapāho hoki ngā pānui tūmatanui ki ia hongere e whakahaerengia nei e te kaipāho.

Kei kōnei te BSA hei āwhina i a koutou ki te whakatutuki i ā koutou herenga. Waihoki, ina matea ana, mā mātou koutou e tohutohu e pā ana ki te wātaka o ā koutou pānui tūmatanui, me te whakatakoto hoki i ngā kupu. Mehemea he uaua ki a koutou ki te whakatutuki i te Ture, ka taea e mātou te mahi ki tōu taha kia tautuku ai koe ki te Ture.

### **He pārongo mō ngā kaimātakitaki**

I ētahi wā he mea nui mō ngā kaiamuamu kia whakapā atu ki ngā kaipāho i te wā tonu e pāhongia ana te hōtaka (hei tauira, kia tuku pārongo atu e āwhinatia ai te kaipāho kia urupare atu ki tētahi take tūkino pea). Nā konā, ko tā mātou e tohutohu nei, tāpiri atu ki te tautuku ki nga herenga pānui o runga ake, me tino mahea ū nā mokamoka whakapānga ki ngā kaimātakitaki e tukuna atu ai ki a koe ō rātou āwangawanga i te wā tonu o pāhotanga o te hōtaka.

Tēnā, whakapā mai ki a mātou mehemea he pātai ū e pā ana ki ū pānui tūmatanui, mā te waea mai ki 0800 366 996, te īmēra mai rānei ki a [info@bsa.govt.nz](mailto:info@bsa.govt.nz).